



ALVER KOMMUNE
Postboks 4
5906 FREKHAUG

Saksbehandlar, innvalstelefon

Martin Søgner, 5764 3079

Uttale - Bygging av landbruksveg - Alver 496/1 Pletten

Vi viser til høyring på søknad om bygging av landbruksveg klasse 7 på gnr. 496. bnr. 1 i Alver kommune. Vegen er planlagd med 180 meter nyanlegg, og vil gi tilgang til totalt 78 daa, med 37,5 m² hogstmoden skog. Interesser i vegen er opplyst å vere 25 prosent skogbruk, 25 prosent utmark og 50 prosent jordbruk, totalt 100 prosent landbruksinteresser. Kommunen har sendt saka til uttale, jf. *forskrift om planlegging og godkjenning av landbruksveier* § 3-1, jf. § 1-1.

Føremålsparagrafen i landbruksvegforskrifta seier «*Formålet med denne forskriften er å sikre at planlegging og bygging av landbruksveier skjer på en måte som skal gi landbruksfaglige helhetsløsninger. Det skal samtidig legges vekt på hensynet til miljøverdier som naturmangfold, landskap, kulturminner og friluftsliv, hensynet til fare for flom, erosjon og løsmasseskred, samt andre interesser som blir berørt av veiframføring*»

I slike høyringssaker går vi ikkje detaljert inn i dei vurderingane som må gjerast i saka, dette fordi det er kommunen som er den ansvarlege førsteinstansen og som skal foreta dei konkrete vurderingane i forhold til regelverket. De kan finne ein god del informasjon på [nettsida](#) vår som kan vere nyttig, der er det bl.a. lenker til regelverket og aktuelle rundskriv.

Det er ønske om å behalde ein veg som i utgangspunktet er bygd som midlertidig anleggsveg i anledning bygging av ny fylkesveg 565. Vegen vil i følge søkar erstatte ein tidlegare traktorveg som gjekk i området der deponi er i dag. Området er tenkt brukt som beite på sikt, eller planta skog igjen, dette avhengig av kva forholda i området tilseier. Veg vil vere nyttig uansett i følge søkar. Vi har heller ingen merknadar til interessene som er oppgjeve i søknaden.

Vi har gjort ein kort utsjekk av miljøinteressene i denne konkrete saken, og så vidt vi kjenner til er det ikkje viktige naturkvalitetar eller miljøverdier som vert råka av dette veganlegget.

Med helsing

Martin Søgner
Rådgevar

